



蹓佇山頂的囡仔時陣

阮阿公阿媽蹓佇山頂，遐的山路彎彎曲曲，路邊有足濟種的樹仔，大部份是果子樹，親像梨仔、桃仔、李仔、梅仔、柑仔，嘛有山櫻花、油桐樹。一年四季行佇山路看著的，攏是真嬌真嬌的景緻。

細漢的時陣，阿爸阿母透早就去上班，我恰阿兄猶未讀幼稚園，就留佇厝裡予阿公阿媽顧。阮阿公作山種梨仔，日時佇園裡沃水、落肥、剷草、剪枝、接花……，三不五時閣愛濺藥仔。逐工逐工攏有足濟檣頭愛做，流汗流滴才有果子通收成。園裡較危險，所以阮兄妹仔日時攏綴佇阿媽身軀邊。阿媽有一塊菜園仔，種一寡菜通家己食。逐擺阮綴去菜園仔，就逐蝶仔、掠蟲、褪赤跤泥漚糊仔糜，要甲規身軀垃圾哩囉。阿媽若沃菜沃好，越頭看著阮兄妹仔，攏會驚一趔，隨喝聲講：「哎哟！恁兩個哪會遮勢醬？」繼落來水管牽過來，就對阮的跤冲落去，阮攏嘛笑甲蹓蹓跳，一直喝：「阿媽！足涼的！我的手嘛欲冲予涼涼！」

毋過阿媽可能感覺阮傷過賤，所以閣來就真少恁阮去菜園仔矣！毋過佇厝裡阮嘛袂無聊，兩個人坐佇冊房的塗跤扮公伙仔。有時是阿兄叫我做狗仔，我就用爬的，假影是一隻細細隻的狗仔，寬寬仔爬去伊的跤邊司奶；有時換伊假做我的貓咪，我若叫伊：「貓咪來，貓咪來！」阿兄會真古錐一直嘍嘍叫，爬來我的身軀邊共我舐指頭仔，有夠撻的，阮兩個定定要甲毋知通歇睏。

尾仔阿兄恰阿爸阿母搬厝去街市讀幼稚園，賸我家己蹓佇阿公阿媽兜。佇山頂無伴的日子，我上恰意阿公有閒的時陣，會駛搬運機，載我恰阿媽，杳杳仔行山路出去到大路邊。遐有一間籤仔店，店內阿婆對我誠好，逐擺攏會提糖仔予我食，所以我誠愛去遐。

這馬我嘛離開山頂來到街市讀冊，想起彼段蹓佇山頂的日子，我猶是足數念的。逐工都想欲閣轉去共阿公阿媽司奶，想欲自由自在佇菜園仔拋拋走……。

啊！蹓佇山頂的日子實在是我上甘甜的記持！

作者：洪宿芬

☆詞彙學習☆

【漚糊仔糜】lòk-kôo-á-muê/lòk-kôo-á-

bê：爛泥。稀爛的軟泥。

【醬】tsiunn：像沾上醬一樣弄髒。

【蹓蹓跳】phùt-phùt-thiàu：生氣或開心的時候不停的直跳腳。

【扮公伙仔】pān-kong-huê-á/pān-kong-hé

-á：扮家家酒。

【假影】ké-iánn：假裝、假的。

【司奶】sai-nai：撒嬌。

【撻】ngiau：癢的。